



ПОРСЬ ВЕЛОДЫСЬ



Зэй голь старик гозья вёліны. Да. Налён вёлі өти пи Иван. Сійö мый-кө ичөтысянь абу зэй төлка, абу прөсуж. Да. Сэсса нинөм налён абу, но нинөмысь нинөм, вөө ни мөс ни, зэй гөля олёны. Керка вылас видзөдлыны оз позь; өти стен өтарө видзөдө, мөд мөдарө, а стыныс коймөдлаб, ставыс пөрны кутөма, гөгөр нин эськө пыклөма да. Но, сія зэй гөляпырысь быдмис, пи абу зэй ума, абу проворнө. Грешникыд пө век жө грешник, шувөны бать-мам, йөзлөн пө, озырьясыдлөн, пиян быдмөны да морт койдөсь, служба вылө да кытчө веськалёны, а миян өти пи, дай сійö пө вердысь оз ло, сійö пөльза оз сюр. Дерт, уджооны ни нинөм сія оз сяммы, абу робочөй морт. Да.

Сідз быдмис Иван до призыва.

— Но, эськө салдатө оз босьтны сійөс, пооны сыысь нинөм,— шувөны бать-мам.— Салдатө йөйясөс оз нулыны, бөрйөны сюсьджыкъясөс, на-росьнө камиссияяс да докторьяс эмөсь сы вылө.

Да. Но лэччлыны призыв вылө колө жө пө, быть, сійö закон жө эм.

Иван лэччис, уна йөз пиад да, йөйтө, зонмө, и эз казёоны, признайтисны здоровөн.

Гортө вовис, ювалөны, но мый пө, йөйтө пө вөд эз жө босьтны, бөр ыстисны, көнкө. Нет пө, шувө Иван, менө босьтисны, здоровөн пө шувисны.

— Аттө дивө, но дивө,— дивуйтчөны бать-мам,— кутшөм неспособнөй, неупретен морт, пес ни ва оз куж пыртны, а салдатө босьтөмась. Докторьясыд пө тай нинөм жө оз төдны, сідзкө, военной служба вылө кө шувөмась.

Коркө-й нуван кад вовис. Да. Иванөс, дерт, тшөтш нувөны, босьтө-мась нин да. Нувисны служба вылө, первойсяньыс, дерт, и казялісны, дивуйтчөны сөмын.

— Тэ тай нө абу прөсуж, кудзи веськалін татчө, мыйла босьтисны тэнö? — ювасьоны сылысь.

Өти команда оз гөгөрво, ставсө бөрөн вөчө. Да. А ме пө мыйөн төда, шувө Иван, босьтисны и босьтисны, мем өткодь. Да. А нинөм мортыд оз куж, оз велоо, ставсө путайтө. Но, бөр ыстыны — кузь делө. Стройкө оз шогмы, кытчөкө век шогмас, откожөй да мый да весооны, чиститны. Ротнөй писар шувө, мед пө олас, адззыяс пө кутшөмкө удж. Но, удж кыз оз сюр, индісны Иванөс казарма чышкыны, откожөй места весооны да мый да.

И пондіс служитны, ооны. Во дай, мөд дай, коймөд дай олө Иван;

Буслан сылөн нимыс, Иван Буслан. Оти удж вылад велалыштис быдсөн, ставсö вöчны кутис, мый требуйтчö.

Да. А службад сэк вöли эз кык да куим во, а кызы вит во, абу этша сийö.

Да. Олис, олис Иван, коркö-й прöйдитис время дас во. Дас во мысытэн сетлöны отпуск куим тöлысь кежлö, ветлыны гортö. Сылөн тöварышгьяс ветлисны нин и вовисны бөр, а Иван век чиститчö, весасьö; мый сылы, колöкö, оз и гөгөрво моргыд, оз вöзйиьсь. Закон эськö эм да, пöлагайтчö и сылы, дерт, да мый йöйыдлы, оз вöзйиьсь, ни оз кор да.

Кодкö сэсса бур морт öти пондис велöдны сийöс:

— Мый нö тэ, Иван Буслан, дас куим во дажö олан, век чиститчан, весасян, а отпускö он петоо; йöзыс вöд со ветлисны нин, петалисны и вовисны бөр, а тэ мый он вöзйиьсь? Законыс эм, тэныд тожö пöлагайтчö, должнö лэдзны; вай вöзйиьсь, кор,— велöдöны сийöс.

Да. А Иванлы, мый велöдасны, сия и вöчö. Да. Мунис, вöзйиьсис тшöтш, вайö пö менö лэдзлö, бать-мам пöрысьсь, колö видлыны ветлыны. Но, раз пöлагайтчö, сарсянь закон эм быдөнлы, и сийöс тшöтш лэдзисны. Мун, ветлы пö. Да.

Но. Иван Буслан петис, пондис гортö мунны. Мукöд салдатыд прамöй паськöма-шынеля ветлöны, дажö деньгатор ыстасны гортö туй вылö. А сылөн, нужник весалысьыдлөн, зэй омöлик паськöм, ставыс киссьöма да пачкайтчöма, видзöдлыны оз позь. Деньгад абу жö, сэсса и подөн мунö.

Мунис, мунис и вовис деревня. Вöзйиьсис узыны öти ордö, мöд ордö, некод оз лэдз, аддзасны мыйöн паськöмтö. Да. Сэсса станция(ö) вовис. Насмешка туйö и лэдзис кöзяин, дажö вердис мыйöнкö, умильнöй вөлöма да. Мун пö сэсса, кай кытчыкö паччөр сэрöгö, узь.

Вой шөр гөгөр коркö вовис сэтчö зэй ыджыд чин, генерал; шойччыны сувтис сэтчö, ювасьö:

— Но, кöзяин, абу-ö меным кодкö пукалысь, прокодящöй. Менам пö, узи да, оз узьсьы, вай кодöскö татчö.

Кöзяин шувö, öкурат пö эз случитчы некод. Генераллы, дерт, ас кодъыс жö колö, омöликöс он вöзйи сылы. Да. Некод пö абу, шувö кöзяин, толькö пö öти салдат узьö да сы йылысь пö он кут сёрнитны, зэй неупретен кутшöмкö, абу прöсуж дай. А вай пö и сийö, тшöктис чуксооны генерал. Кöзяин котöртис.

— Вай чеччы, Иван, генерал тэнö корис, требуйтö ас динас,— чуксалис Иванöс.

Да. Сия чеччис, лэччис паччөр сэрöгысь, мыссыштис, и давай, генерал динö петис.

— Мый колö, ваше высокопревосходие?— Честь сетö и быдөн, уна вонад мыйкö да велöдисны, дерт, кужö неуна.

Генерал ювалö:

— Мый забава кужан? Мойдны он куж?

Иван шувö:

— Забаваяс ме ог тöд, мойдны ог куж, мöдтор ог куж.

Да. А картiasьны пö он куж, бара ювалö генерал. Картiasьны пö кужа. А уна-ö пö деньгад?

— Деньгад,— шувё Иван,— нинём и висьтооны, мыйкё два рубля ли, мый ли эм да, мый сійё. Да.

— Но-й, два рублян коть разок ворсам,— шувё генерал.

Пондисны ворсны, Иван, зонмё, и вовис первой сконтё. Два рубля во-
ёмсё кутис босьтны, генерал шувё:

— Эн босьт, став вылас ворсам.

Но, ворсисны мёд скон, четыре рублян. Бара Иван вовис.

Сэсся коймёд дай, нельёд дай — век содтё генерал, и век Иван вовё.
И став, деньгатё, зонмё, генераллысь вовис. Нинём эз коль сылён, уна эськё вёли да.

Но, кужин пё воны, куж и видзны, шувё генерал. А давай пё ещё ёти скон ворсам став паськём вылё, тэнад пё став деньгад, менам пё генеральскёй паськём. Став шашка и левольвер пуктис, став паськём пёрччис. Давай пё. А Иван только ий думайтё:

«Но, кужа кё тайё воны ещё, сэсся нинём оз коо, сэсся-й морт лова».

Да. Грекыд вылё бара салдатыд вовис. Но, зонмё, став наган, став шашка, муниципя, ставсё сия вовис. Мый сэсся керны? Генерал шувё:

— Меным тая не дорого, ог пострадайт,— шувё,— менам гортын масса татшёмыд, на, босьт,— шувё Иванлы,— а ассьыд вай меным, гортёдз воны.

Иван шынельшуй пёрччис, сетис генераллы. Генерал сетис ассьыс паськём:

— Вот ме начальник, прамёй начальник. Ме тэныд тшёкта: кужин воны, куж и ноллыны.

Да. Сэсся сия шувис и мунис, дерт, эськё абу жё любё салдат паськёмыд да, мый керан, ворссьёма, быть пасьтоо.

Мыйён генерал мунис, Иван Буслан пасьталис генеральскёй паськём.

«Но, чудеса,— думайтё,— вови жё чинад».

А мый сэсся керны? Иванёс пыр велёдлісны, мый начальник тшёктас сійё-й вёчны, кызыны. А начальник шувис, кужин пё воны, куж и ноллыны.

Но, дерт, сия пасьталис, тшёктисны да, колё кызыны. Да. Пасьталис, ставыс, зонмё, югьялё, вёлись мортыд лыбзис.

— Эй, көзяин,— горёдис,— запрегать, көзяин, лошадь!

Көзяин котёртис, тайё пё мёд господин кутшёмкё вовёма. Сабля и мундира, погон блеститё.

— Живей, живей! — горзё.

Одйё тай, небось, додделісны, сетисны тройка вёв. Тройка вылё пуксис и мунис Иван Буслан, кодарын гортыс, сыланьё жё-й тшёктис нуны.

Да. Мунисны и вовис кар, ямщик ювалё, кытчё пё господин генерал пыран, господинён пондисны шуны Иван Бусланёс. Сия шувё, тан пё менам некод абу знакомёй, а эм абу пё генерал тані кутшёмкё ли губернатор. Эм пё дивизионной генерал, шувё ямщик. Но, пырт пё менё сэтчё, тшёктис. Генерал ордё, дерт, пырё, омоль керка(ё) оз пыр. Мый сэсся, шашка эм, паськём эм, мый не пырны Иванлы.

Да. Пырис генерал ордё, а сия генералыд ичётджык на вёлёма, ыдж-

ыджык чинлөн пырöмьд зэй любö лови. Сейчас прикажитис вайны дона винаяс, мый эм медбур закускаяс. Но, сідзи и сідз, пондісны сёрнитны-ювасыны стол сайын. Иван висьтоло, вот пö инспекторскöй смотр вылын вöлі и муна пö гортö, бать-мам дінö. Да. Бать пö менам московскöй командир, ме пö сылөн пи. Ичötöс оз висьтоо батьтö. Кыдз мый вермö, ылöдлö генералöс, асланыс кужö сёрнитныд. Да. Толькö пö, шувас, öні гортö ог лысыт локны. Быд мунігөн пö бать-мам тшöктöны гöтрасьны, эн пö и лок гöтыртöг, шувöны. И мед пö генеральскöй дочь вöлі вайöма, а ме ёна нин ветлі и некысь пö эг аддзы сёлöм серти.

Ачыс видзöдлö да видзöдлö мöд комлата(ö), сәні генераллөн мыч-часьöны куим кымын ныы, кылöны Иванлысь сёрнисö. Да. А Иван сія абу дурак сәтчötö, гөгөрвоö.

— Некысь,— шувас,— эг аддзы аслым кодьсö,— наросьнö гора сёрнитö. Отила пö вола да, вывті кыз либö вöсни, мöдлан пö бубуля кодь сьöд, коймöдлан пö синмыс мыйкö неладнö. Вот пö сәсся гортö ог лысыт мунны гöтрасьтöг.

А ныыяскöд ачыс мигайтчыны нин пондіс. Ная вöччисны быдөн, пондісны сёрнитны генералкöд. Сія и осмеличис юооны ныыясьдлысь, случаем кö пö тьянöс корооны, сватайтчыны, мунад онö пö ме сайö. Душа и мера пö, шувöны ная, шогмам кö, кыз он мун тэ сайö, сәтшöм том генерал сайö. Дивъя эськö, ваяс кö, думайтöны. Да. Но, ежели кö пö он разбирайтчö ёнасö, ме пö бать дораныд ветла. Ныыкöд совет лови, Иван бать дорö муніс.

— Вот,— шувас,— Иван Иванöвич, сідз и сідз, сідз и сідз, менам зэй ыджыд сёрни эм. Тэнад эм куим красавитса, ме абу жö омöль рöдысь; он-ö сет ме сайö шөркост ныытö, Аннушкатö?

Бать шувö, зэй пö любö тэнад кыыйыд лови. Ладман кö пö, босьт кöть кодöс. Дивъя, думайтö, эта ыжда чин сайö ныы сетны.

Но, сёрни тырмис батькöд и ныыкöд, лун-мöд мысти и свадьба вöчисны, Иван Буслан гöтрасис генерал ныы ылö. Зэй гажапырысь и веничайтчис нылыд, бать-мам радлöны жö.

Тöлысь джын сән оліс Иван, гөститіс, красуйтчис. Тöлысь джын бөрти-й шувö, менам пö ловö ветлыны инспекторскöй смотр ылö. Дерт, сәтчö бабан он мун, гöтыр ловö кольны.

— Мый,— шувö тесьтлы,— сёяс-ювас менам гöтыр, ме локта да, ставсö мынта, кыз пöлагайтчö, верма пö и öні кольны, мыйда колö.

Да. Деньга сылөн эм на; прöст мортыд да уна нин эськö видзöма пирьяс вылад, но сө-мöд пö верма кольны. Да. А тесьт шувö:

— Чöö, чöö, öти ныытö видзам на, гашкö.

Но, сәсся лөсөдчö мунны. А медбөрья войтö узигөн бабад сылысь и юваліс, дыр-ö пö тэ кöсьян ветлыны, кор воан.

— Ме,— шувö,— ветла тöлысь ли дырджык.

Но, сідз кö пö, вай коль адрестö, гашкö, ловас ветлыны, нинöм он тöд. Окурат да и ассье адрестö сетіс, эз куж ылöдныд, позис жö эськö да, эз тырмы тöлкыс, йöйылдөн.

Но, сәсся муніс сія, прöщайтчис зэй бура ставныскöд и муніс, ин-

спекторскöй смотр вылö пö, шувис. Станция-мöд мунис гортланьыс, деньга сылөн бырны пондiс. Прöст мортыдлөн öдийö петö.

«Час,— думайтö,— ог-ö кодлыськö картiөн во».

Вовис станция, ювасьö:

— Эм абу кодкö прокодящöй, оз-ö ворс кодкö мекöд картiөн?

Кöзьяин шувö, прокодящöй пö абу, а ворсны кö, пуксы пö, ворсам мекöд. Но, ная пуксисны, Иван ставсö ворссис, мый вöли, деньга эз коль.

— А господь сетлис, господь пö и нувис,— шувö Иван. Вай пö, кöзьяин, кутшöмкö паськöм, ме пö генерал шашка и ставсö пукта, став паськöмöс.

Кöзьяин вайис зэй лёкиник дукöс, дöмаса сапöг, Иван пöрччис генеральскöйöс, шашка и наган, и став муниципия пунктiс. Кутшöм пö вöли, сэтшöм и лова, вай пö, кöзьяин, пöследнöй раз. Век на думайтö мортыд воны, а кысь нин эськö воас. Ворссис и паськöмтö, дерт. Да. Но, господь сетлис, господь и босьтiс. Лёкиник дукöс пасьталис и мунис водзö, подөн, дерт.

Коркö-й гортö вовис.

— Ок, ок, ок,— шувöны бать-мам,— пиыд тай йöй нисьö прöсужөн мунис, йöй нисьö прöсужөн и локтö. Мукöд локтöны да шынелясь да погонась, а мян йöй — корысьысь-корысь. Ок, ок, ок,— жалитöны бать-мам.

— Но, тi энö шогсьö ми понда,— шувö Иван,— эн полö, меным наросьнöйөн на ваясны генерал паськöм сарсянь, öнi менö ыстiсны татчö порсьясöс велöдны. Вот велöда, дай генерал чин сетасны, генерал паськöм ваясны. Вот аскисянь и понда велöдны,— шувö Иван.

А бать шувö:

— Йöйыдлөн йöй и сёрнис, мый дыра ветлис-а, нинöм абу велалöма. Кыськö тай ловин,— дивуйтчö.

Но, аски чеччис Иван, зэй кузь плеть вöчöма, батьлы шувö:

— Но, батьö, эн дивит менö, ме порсьясöс чукöрта да кута велöдны, дубитны, кыз менö салдатын велöдiсны.

— Ум кö суйисны, йöйлы, тадз он сёрнит,— шувö бать,— тэнад тай, пиö, öстаткиыс петöма, мый вöли. Дугды йöйтоонныд, эн страмит йöз водзас.

Но, Иван сiя думыштöма нин да, дерт, вöчас, он кут сiйöс. Петiс, вöлөсьтысь порсьясöс чукöртiс, душ куимсö, гашкö, чукöрмис, и пондiс гöняйтны, велöдны. Порсьяс, мый найö гöгöрвоасны, пышьялöны, дерт. Да. Иван вöтлысьö на бöрся кузь плетьөн, тшöктö команда серти ветлыны. Дугöдны некод оз лысьт.

— Порсьясöс закон воöма велöдны,— висьталö Иван, сарсянь пö сэтшöм закон эм, менö пö татчö ыстiсны.

А йöй крестьянад уна-ö гöгöрвоасны, гашкö пö и збыль эм.

Лун дай мöдöс велöдö. Кодсюрöйс эськөн ёна нин увгöны да, гусьөн сорөн век велöдö. Порсьяс вылысь быг лэччö, вовöны, а велалöм абу.

Да. Коркö коли неделя и тöлысь. Коркö, зонмö, видзöдöны да, вело-

оны пондöмаöсь порсьясид! «Ат-два, ат-два», — шувалö, и мунöны. «Стой, полк!» — шувас, и суутöны.

— Но, чудеса! — бать и мам, став вöлöсьтын дивуйтчöны. — Тайö тай збыль мыйкö ловöма, мыйкö вöчöма, йöйыд, порсьясидкөд.

А время сийö мунö, кык öдйö кольö велöдйгад, занимайтчигад. Коркö-й Иванлөн гöтыр шувö бательы, ловö пö ветлыны мужик ордö, дыр мыйкö эз кут локны. Бать ювалö, адресыс пö эм. Эм пö, шувö ныы, кутшöмкö деревнян пö тай, гижöма. Но, деревнян кö-й, деревнян, ветлы пö. Тысеча рублей сетис на дорогу и ыстис нылöс генерал, окота кö, ветлы пö, видлы.

Да. Вовис станция, кöзяин и ювалö барушнялысь:

— Кытчö тi мöдид, барушня, кутшöм могъясөн?

Барушня висьталис, сидз пö и сидз, мужик пö менам, генерал, мунис смотр вылö да мыйкö дыр эз во. Вован кад нин пö, а век абу. Да. Ме пö муна öнi сы дорö гортас. Кöзяин бара ювалö, кутшöм кадö пö, кор сия мунлис смотр вылö. Сэк пö и сэк, сийötö числöб. Кöзяин и шувö, сийötö числöб пö мунис кутшöмкö генерал да ме пö тай жуликөн думайтi-а. Тани пö ворссис ставсö, став деньгасö и дажö пö паськөмсö тшöтш. Вай пö петкөдлö, корис ныы. Кöзяин вайис. Ок, ок, ок пö, тайö пö тай менам мужиклөн паськөмыс, думайтö генерал ныы, тайö пö тай абу ладнö ловöма менам мунöмыд, пондис шогсьыны, быдторсö кутис думайтны, жуликнад шувисны мужиктö да.

Тая пö тi он вузалöй, корис нöбны паськөмтö. Вузалам пö, шувö кö-зяин, мый пö таысь миянлы. Вузалисны, сундукö сюйис ныы и бара водзö.

Коркö-й вовис деревняö, адрес серти сэтшöмтö и сэтшöм сикт, примеру Типö сикт. Вовис и ювалö Буслан Иванлысь керка. Көдкö-й индис, зэй омöлик керка, ставыс вежнясьöма, öти стен öтарö, мөд стен мөдарö. Тая пö вöд абу жö, оз верит барушня. Тая пö, висьталöны öти дай мөд. Но, сэн, зонмö, прамöя шөгöдис ныытö, барушнятö. Да. Гөгөрвоны кутис ылöдлөмтö. Да.

— Мыйлакö тай локсис, — шувö, — кöть мед эг нин тöдлы тайö.

А керка ставнас кутöма пöрны, видзöдлыны оз позь, не то што пырны. Но локны локтöма нин. Да. Вöлян невöлян, синва петö и быдтор да, ловö пырны. Пырис, сэтшöм чöскыд дука, часiяса баруня пырис.

— Шойччыны онö лэдзö? — ювалö.

— Лэдзам, шогмас кö, — шувöны пöрысь гозъя, — толькö сөвеснö и лэдзныс, омöлик керканым да.

А керка быдсөн пытшсянныс пыклöмась, мед эз усь пöтöлөкыс; сия ий виччысь, коръя шлапкыяс. А тiян пö эм Иван нима пи? — ювалö баруня. Бать-мам быдсөн мөдарö бергöдчисны, яндзим пö и висьтооныс, эн пö ювась дажö, сия пö миян йöй нисьö прöсуж да бурторйөн, ремеслöбн оз занимайтчы, сөвестнö пö висьтооныс дажö. Но, овис пö тай менам, думайтö генерал ныы, ок, ок, ок, йöй нисьö прöсуж пö ещö.

— А сётаки кутшöм ремеслöбн занимайтчö, мый вöчö? — бара ювалö генерал ныы. Топöдис бать-мамöс, ловис висьтооны.

— Вот, барушня, — шувö бать, — дас куим во служитис да порсьөн



вѳд занимайтчѳ, велѳдѳ. Дажѳ и велооны кутісны, «стой» шувас, да суутѳны. Быд лун веж быг локтѳны порсьяс и ачыс веж быг, дасѳс кымын виис нин, но закон пѳ сарсянь петѳма да, век велѳдѳ. Мый сѳсся керан, менсьым оз кызы, йѳйыд йѳй и эм сія.

Да. Та бѳрын барушняс дзикѳдз шогѳдіс.

— Ті нѳ асьныд коді лован?— ювалѳны сылысь.

Ме пѳ сідз, шувис синва пырыс, оз лысьт и висьтасьны дажѳ. Он-ѳ пѳ потрудитчѳ пысян ломтыны, корис сѳсся. Пысян пѳ эськѳ абу, шувѳны, да кодлыськѳ пѳ вѳдитлам, лѳдзласны.

Но, сѳсся Аннушка петіс мѳдарас да и бѳрдіс жѳ, эштіс жѳ кисьтны синва.

— Вот,— шувѳ,— кытчѳ веськалі, кутшѳм мужик сайѳ. Да.

Но, пысян ломтісны, коркѳ-й, кылѳ, шумѳн локтѳ команда:

— Ат-два, ат-два!— став улич тырнас горзѳ, зонмѳ, кылас бара, вѳлѳсьтыс кузь эськѳ да, ѳтар помсяньыс да мѳдарѳдзыс кылѳ.

Коркѳ-й локтісны горт весьтѳ порсь куимсѳ, гашкѳ. А шумыс сѳн!

— Ат-два, ат-два!— командуйтѳ Иван.— Полк, стой!— горѳдіс. и как одна, ставыс суутісны.

Но, зонмѳ. Барушня аддзис, да нюмыс быдѳн петіс, кѳть и бѳрдіс-а, татшѳм порсьясѳс эз на аддзыл, петіс серамыс. Да. Петтѳг оз ов сѳн, сѳтшѳм дивѳтѳ аддзан да.

— Разойдись!— горѳдіс бара,— завтра, девети часам татчѳ жѳ, ровно, без опозданья!

Да. Порсыяс вылысь ставыс быг шлапкө, а ас вывсыс ещö на лэччö. Ключон-клен пырис керкаö.

— Но, мамö, вир петö кынöм сюмалö, вай сёйны, вай сёйны!— горзö.

Мам шувö:

— Ньöжйöджык, йöй, прокожöй миянö суутис да, эн повзбöдчы, эн страмит.

— А кодi, кутшöм прокожöй?— горзö Иван.— Гашкö, менам баба вовис да, гашкö, баруны да? Но и мед, ачым на генерал вöли, мед кöть прокожöй, кöть кодi. Мый меным кöть баруны.

— Эн шу, дявöл, мый оз коосö, бокöвöй вöд, бур морт.

А Иван сiя-й эз вунöд адрес сетлöмтö.

«Мый,— думайтö,— тая кö менам бабад вовис, мый кута вöчны?»— Жалитны пондис, эз пö ков меным сетны адрестö, колi пö ылöдны.

А бöрад мый сiйö, жалит кöть эн, баба воöма нин да, гортас нин да.

Но, пысыян ломтысьöма коркö, ваймöма, колö лэччыны. Старука-й шувö барунылы, петис мöдарас да. Жалайтад кö пö, позьö пысысыны мунны, пысыян гöтоо, лок пö мунам да ме лэччöда, инда. А баруны шувö, лэччöдны пö эськö лэччöдан, бабушка, да мед пö Бусланöвич лэччöдас менö, мед сiйö индас. Колö вед стретитчыны, аддзöдчыны кызкö, вот баруныд и тшöктö. Да. Кöть омöлик мужик да, сы дорö локтöма, колö аддзöдлыны. Да. А мам думайтö:

— Но, трасича, тая кö тöдсась-а. Старик, старик,— пондис чуксооны мужиксö,— мый нö тая, баруны тай нö тшöктö, мед пö пиыд пысыянас лэччöдас. Мый нö тайö?

Да. Иван буретш тшак ва панялö, дерт, эськö велöдö порсыясöс да, сёяныд кысь гöльыдлы. Да. Мам пырис, висьтолö:

— Сёй нин регыдджык,— шувö,— баруны корö тэнö индыны пысыян, ломтим да.

Но, Иван сiйö гөгөрвоис нин, тайö пö тай збыль менам баба вовöма. Шувö мамлы:

— Но, мамö, тшöктö кö менö лэччöдны, ме лэчча дай пысыя, сiйö менам баба, значит.

Мам эськö пондылис жö мыйкö трасьтитчыны, эн пö сөр, йöй дявöл, шувалö да, пи эз кызы.

— Пысыя, мамö, пысыя, эн серол менö, лэчча дай пысыя ськөд, сiя менам баба.

Да. Сэсся лэчисны, зонмö. Лэчисны пысыянö, гозъя, мыйöн саялисны кöдж саяс, баба и бөрддзис, зонмö. Но, вот пö, другöй, вöчöмыд жö мекöд, вот пö и воштин жö ловъя юрөн. Ловö нэм сiсьмыны менам. Да вöд ещö лыыд пö оз сiсьмы и яйыд оз косьмы öнi. Сэтшöм, зонмö, дöсаднö ловöма сылы. Лыыд пö оз сiсьмы и яйыд пö оз косьмы, шувö. Да.

А Иван шувö:

— Важ шогыд кö мыйкö абу, мый шогсян! Вай пырам да пысыям, пырам да пысыям.

Толькö и кыскö бабас пысыянö. Да ещö пö вöд паськөмтö босьтяс ас юр вылад, грекыд вылö, шувö бабас, йöйталан жö пö мортыд.

— Неужели босьтін?

Да, босьті пö, ворссьылöмыд пö тай вöлі, да ме ньöби.

— Вай, баба, öдйöджык меным, вай, баба, генерал паськöмтö, ме пасьтала, сійö менам.

— Чöö, йöй душа, тэ тай збыль вöлöмыд, кытчö нö генеральскöй паськöм пасьталан, тэнö и менö арестуйтасны,— шувö сылы генерал ныы. Кутшöм пö тэ генерал.

Да. А Иван толькö и вай да вай, нинöм оз признайт. Ме пö бара мырддя сійö, пасьтала и нолла, сійö пö меным начальство сетліс. Да. Силком перйис вöд, кызкö мырддис генерал паськöмтö бабадлысь. Оз эськö сет да сундуксö жугöдöмөн мырддис. Мый лован ло, а ме пö пасьтала, шувö. Сэтшöма, зонмö, сылы кажитчöма.

Коркö-й мамыд, сійö видзöдалö öшиняд, дай аддзöма, другö.

— Старик, старик,— шувö мужикыслы,— кутшöмкö, со, югыд паськöма локтöма, тайö, тыдалö, баруныдлөн мужикыс вовöма.

Да. Ная сійö, дерт, оз думайтны, тая мый пи налөн асланыс. Оз и кужны думайтныс дажö.

Но, коркö-й вовисны пывсянінысь, пуксисны пызан сайö, гозья пукалöны. Старука пыртис самöвар, видзöдліс да, пызан сайын нин югыд кизяд. Тайкö, зонмö, самöвартö уськөдас, сэтшöма поозис, другö, видзöдлыны эськö эз нин лысьт да.

— Но, мый нö, мамö, ме вылö он видзöдлы,— шувö Иван,— мый он лэптыл юртö? Аддзан, со кутшöм паськöм наросьнö вайисны сарсянь. Ме тиянлы шулі волöм мысти, меся ваясны на, вот и вайисны. А ті век грекөвöйтад менö.

Бара, зонмö, лыбзыны пондис мортыд, генерал паськöмнад оз, буракö, омöля чувствуйт. Баба сэн жö, дінын дай. Бать-мамлы зэй нимкодь лови. Тайö пö миян пийд абу на сэтшöм йöй, тыдалö, вайисны кö сэтшöм паськöм, сэтшöм гöтыр да.

Но, время кольö öдйөн. Иванлөн отпуск кутис кончайтчыны. Колö мунны, явитчыны частьö. Кымын во на ещö колö служитны. Да. Олыштіс сутки ли мöд и шувö бать-мамлы:

— Но, батьö, мамö, менам строк кончитчис, колö бөр мунны. Менам порсьöс велöдöма, паськöм вайисны, менö сар-батьыд корöма бөр. Ме аски муна,— шувö.

— Но, мунан кö, мун,— шувöны,— сарыд кö корöма, быть мун.

Да. Мунисны сэсья гозья, дерт, подөн эз нин мунны, гöтырлөн деньга уна. Оти станция мунисны, вовисны мöдö. Коркö-й тесьт ордö кутисны воны, матын нин. Бабалы-й Иван шувö:

— Но, баба, шондi вылö пасьясь, кодзуу вылö пасьясь, он кö — смерт. Вот пö, шу, öкмыс суда керкаын олö, каменнöй керкан, служанкас тырыс, лыддыны он вермы. А керкас — мый кужан думыштны, сійö-й и эм. Зэй бура, шу, олöны. Тадз кö висьталан, ловйөн колян, а он кö тадз висьтоо — тані жö юртö керышта, здолой. Пасьясь пö, колöкö, небесалы и шондiлы.

Шашка кыскөма, керыштны и лөсьөдчө. Но, баба уси пидзөсчань. Он, буракө, сэн кут дыр думайтны. Пасъясис шондлы и кодзуулы, висьтала пө, висьтала, кызд пө тшөктан, толькө лоойөн коль. Ловө вөд висьтасьны, олөмыд жаль.

Да. Коркө-й вовисны тесьт ордө. Зэй бура стретитис сийө. Иван сөйс-ювис и кытчөкө петыштліс, саялі, а бать ювалө нылысь, оз вөд терпитсьы:

— Но мый, кутшөма олө мужикыд?

— Аминь, бура.— шувө ныы,— өкмыс суда каменной керка, служанкасө лыддыны он вермы, мый колө, сийө-й эм. Аминь, бура олөны.

— Но, слава тебе, господи, слава тебе, господи,— шувалө бать,— абу жө вошөма нылыд, бур морт сайө жө веськалөма.

Да. Тесьт ещө өна радейтны пондис зятьөс, дона винаясөн юктолө, бура и вердис-удис сәни.

Но, несколько время мысьтөн Иван шувө тесьтлы, меным пө коомас мунны инспекторской смотр вылө, и ог пө төд, кор воа. Дерт, оз регыд сийө ао, службалөн джынйис на и прөйдитис толькө да. Ме пө муна, шувө, а баба пө кольө татчө и, мый пө сия сөяс-ювас, ставсө пө ме мынта, локта да. А колөкө, пө, и өні коля, менам пө вөд эм, шувө.

Пятьсот рублей вөлі бабаслысь босьтөма да, быд здуко кыскалө папушасө, коля пө, колөкө, абу жаль. А тесьт шувө, эн, эн пө, асьсым ныйтө верда жө пө кыздкө.

Но, Иванлөн дела уладитөма лови. Сия-й мунис сәсся бөр аслас частьө. Куим лун мысти карө вовис, служитан места(ө). Дерт, сия генерал паскөмтө эз пөрччы, мунис веськыда казарма(ө). Видзөдөны — генерал локтө. Генерал бурысь тайө оз лок. Ставыс поозисны, гызисны, ставыс кок йылө суутисны, зонмө. Генералыд тай сийө оз частө волыл, во пиад кыкысь либө өтчид, гашкө. Но, кодыс сийө чышкыштө, кодыс весьштө, ставыс уськөдчисны пөрадок лөсьөдны. Гырысьджык чинаяс котөртисны паныд, өдзөсьяс осьтөны водзвыы. Но, генерал пырө.

— Стать, смирно!— командуйтөны.

Ставыс нюжөдчөмөн сулалөны, оз вөрзъыны, зонмө. Прапорщик сән чечыштис, честь сетис, рапортуйтө:

— Так-то-так, никаких происшествий не случилось.

А генерал сулалө, нинөм өтвет оз видз. Мый кужас шуны йөй нисьө прөсужыд, Иваныд, ачыс шемөс уси да. Ставыс шай-паймунисны, зонмө, мый пө тая, думайтөны, «вөльно» оз командуйт, ачыс сулалө мыр моз. И ставыс, зонмө, мыр моз сулалөны, он, буракө, вөрзөдчы сән, генерал водзад. Гашкө, кык час сулалисны сидз. Иван думайтө: «Мый тая ловө-мась, тая йөймөмась кө ставыс-а? Көть кызд, а явитчыны колө».

Мунис прапорщик динө:

— Господин прапорщик, имею честь явиться, Иван Буслан, отпускысь локті.

А прапорщик думайтө: «Нет, тайө подведитны көсийө генералыд, испытайтө».

Честь сетөма да век сулалө нюжөдчөмөн. Ки и кок эськө тіралө,

мудзёма да, вөрзёдчыны оз лысьт, полё. Да. Генералыд сійё абу городовой.

Иван мёдысь дай коймёдысь ветліс, висьтасис, прапорщик век оз верит. Сэсса фетфебель дорё муніс, сійё пё, гашкё, тёдас. Он омой пё тёд Иван Бусланд, нужник весалысьтё, шувё сійё, муніс да. Ме пё и эм Иван Бусланд, явитчи отпускысь. Вёлисти, зонмё, кияс лэдзисны, ставыс палаястёг усины. Фетфебель ювалё:

— Кыдз-мый тэ, дикой вёлін, а генерал паськёма? Кыдз лысьтін пасьтооны тайё паськём?

А ме пё генерал чин имейта, отвечайтё Иван, а ме пё ог пёрччы тайё паськём, коть до царя муна. Меным пё тая начальство сетіс и тшөктіс ноллыны, ме пё начальстволысь должен кызыны, кызд велёдлісны менё.

Мый эз тільсыны, пессыны, эз, другё, вермыны пёрччодныд. Рот-нойяс и быдсяма чинъяс волісны да, Иван эз сетчы, менам пё тайё абу дарём и ме пё ог пёрччы, коть до царя муна.

Да. Лови, зонмё-й, сар дорёдз шыёдчыны. Сарлы телеграмма точкисны, кызд-мый вочны татшөм случайн. Сейчас вовис приказ сарсянь: «Срочным порядком вайны татчө».

Став станцияын водзвыы додделёны вөө, өти станцияысь петё, мёдын виччысьёны нин. Толькё пуксы да водзё. Сідзи и нувисны Иванёс.

Но, сэсса сар корис допрос вылө.

— Тэ нижной чин вёлін? — ювалё.

— Да, нижной.

— Мыйла генерал паськём эз вермыны пёрччодны?

Иван шувё, вот пё, сар-батюшко, ме пё тэныд висьтала, сідзкө, ставсө, как шледует быть. Вот пё ме картіөн вови өти генераллысь, генерал и шувис: кужин пё воны, куж пё и ноллыны. Вот ме пё и нолла, шувё Иван, мый тшөктё начальство, мем должен кызыны, исполняйтны.

— Вернө,— шувё сар.

А Иван шувё:

— Но ме тайё паськём ог дарём ноллы, ме тайё заслужиті ещө. Кыдз ме вёлі генерал паськёма, ме думышті порсьясөс велөдны. Ті тані кызь вит во велёдад салдатъясөс, менё ачымөс дас куим во велөдісны, менам син эм, вом эм, пель эм, а велөдны оз вермыны, дажө кызь вит воён оз вермыны. А ме куим төлысьөн кытём пемөсьясөс, порсьясөс велөді, став камандасө велөді и вөчоны ставсө.— Вот пё, сар-батюшко, сэсса пө-й судит колөкө, верма пё ог ме ноллыны генерал паськём.

Да. А сар шувё, ежели кө пё сідзи порсьёс велөдін, кытём пемөсьясөс, то ме пё не то што тайё погон сета, а ас бөрын мөд мортөн пё лован, став вылас главнокомандующёйөн. Сідзи и шувис, став вылас пё, а толькө пё петкөдлы, вайөдлы татчө порсьястө. Корис сія вөчлыны порсь парад, став землясьыс пё, иностранной государствосьыс корлам йөзөс, мед пё видзөдласны.

Да. Иван шувё, петкөдлыны пё позьё, толькө пё вай меным ласьт, настоящей документ пё вай аслад кырымөн, мед пё эз кутны порсьясөс,

сетисны туй да тем подобное. И деньга пö вай, рöскод пö, вердны да, мый да, ыджыд ловö. Куим төлысь мысытöн пö ме локта, а тани пö мед ставис нин гöтоо, мед пö музыка вöли, бура стречайтисны, публикан и быдтор.

Но, ная сэн вöчисны договор, сар сöгласитчис сетны ставсö. Вöчисны договор, Иванлы локны порсыасөн сэтшöмтö лунö, а сарлы стречайтны сідзтö и сідзтö. Сар сетис документ, никто пö не имеет кутны порсысö, кулö кö, примеру, вайигөн ли велöдигөн, Иван оз öтвечайт. Сетис сылы деньга мыйда колö, босьт пö мый верман нуны. Да. Эз бара жалит сэсся мунигад деньгатö. Сьölöмыс пувöмөн пувö.

Вовис сиктö, петкöдлö сарскöй документ:

— Коді öни лысытас кутны, задержитны?

Кык неделя велöдис на порсыасö: «Ат-два, ат-два» камандуйтö.

Но, некод, дерт, морт кыы оз шу. Тöлысьөн-джыниён на ещö велöдис, порсыас веж быг ветлöны, быд лун кык да куим кулö, а нöрасыны некод оз лысыт. Кытчö ещö норасян, ачыс сар тшöктöма да.

А сар лöсьöдчö стречайтны, кыы сетöма, колö вöд и вöчны. Быд землясь, быд государствоысь коралис йöзöс, купсы-господас. Став публикасö чукöртис аслас сарствоысь. Генеральяс и, апитсэрьяс и, ставлы приказ локны парад видзöдны. Карын öшлöма плакьяс, ставыс празник койд.

Коркö-й локтан лун вовис. Сар ыстыліс нарöсьнöйöс да, доложитисны, матын пö нин, локтö пö ставыс по команде.

— Полнöй музыка!— прикажитис сар.

А Иван сія «ат-два, ат-два» только и камандуйтö. Быд кар, быд сикт дивуйтчö. Уна и нянь сотчис пачьясын. Став вöлөсьтнас петалисны видзöдны. Дивö вöд, генерал мунö, порсыасөн камандуйтö, сэтшöмтö он быд лун аддзыл, буракö.

Да. Коркö-й столитса карö всвисны, Иван сія кыліс нин музыкатö, аддзö стречайтöны, керкаяс вылö быдсөн кайöмась прöстöй йöзыд. Но, «ат-два, ат-два» камандуйтö, громкöй гөлöсөн. Сар дорад мыйён вовис,— сійö пос вылö кайöма вылö,— «смирно, равнение налево!»— горöдис. Порсыас, зонмö, лэптисны ныргьяс, как одна, видзöдöны сарлань. А сэни став иностраннöйыс, став генералыс синьяс паськöдöмась. И сарыд, другö, эз терпит, видзöдис-видзöдис да ка-ка-ка серöктис, клопнитис кинас, вот пö мортыс, вот пö тайö-й морт. Видзöдтö пö порсыасöс велöдöма кызд! Но, Иван видзöдö, позьö пö помалны.

— Полк, стой!— и ставыс бара как одна суутисны, без шевеленье.

Сар сэн дивуйтчыны оз вермы. Йöз «ура» горзöны ставыс, генеральяс чesьт сетöны Иванлы. Сія локтис, доложитис сарлы, сар сійöс, гашкö, кутліс и окаліс. Да. Сэтшöм, зонмö, радöсьт лови сарлы, первой мортөн пö ас бöрын лован, шувö.

Иван шувö, меным пö колö бөр муны, деревнян пö öти порсь эз коль, ставсö вайи. Без тебя пö вöчасны, только и шувис сар, нувöдис сэсся Иванöс дворечö. Да, вот зонмö! А порсыастö сетисны кутшöмкö апитсэрлы нуны, ёна и мучитчис коньöр, уна и пöсь да мать лэдзис. Ылын вöд, гашкö, витсё порсьтö абу кокни нуны.

Сар сетіс сәсся Иванлы главнокомандующй чин, первой министр ловис, сар бõрын первой морт. Коккõ тесът вовис, чesът сетõ да тиралõ быдсõн. Кõть и ачыс генерал, а сы дорын ичõт на. Сар шувõ, кодї пõ тәнõ õбõдитлис, наказитлис салдатад, õнї пõ полевõй судõн и судит, лыйлы кõть, ви кõть, ставыс пõ тә ног ловõ. А ме пõ ачым сәки йõй нисьõ прõсуж вõлї, шувõ Иван, бур мортыд да, некодõс эз наказит, прõститис ставсõ. Аддзисис бабакõд, и бабалы зей нимкодь, петкõдлин жõ пõ, шувõ. Сәсся бaть-мамлы кыысьõма дай найõ радлõны, пõрысьõ-нэмõ пõ радõсът лови, кõть и йõй пийд вõлї. Но, гашкõ-й õнї сәсся олõ, ветлõдлõ главнокомандующйын.

